

DEO OPTIMO MAXIMO VNI ET TRINO, VIRGINI DEIPARÆ,
ET SANCTO LVCEÆ ORTHODOXORVM MEDICORVM PATRONO.

QVÆSTIO MEDICA.
QVOD LIBETARIIS DISPUTATIONIBVS MANE DISCVTIENDA
IN SCHOLIS MEDICORVM DIE IOVIS VII. IANVARII;
M. VRBANO BODINEAV, Regis Christianissimi Medico, moderatore.

An idem specie morbi eodem tempore semper judicentur?

922

NATVRA hominis ipsius est viuētis idiosyncrasia, quæ in vniendi spirituum interuentu corpus cum anima certa ratione consistit, & in elementorum quatuor inter se *πῶς ἑλκεῖται* permix-
tione. Ex spirituum vberima copia, firmissima vnio, vis naturæ validissima, longissima vitæ diuturnitas. Non distinguuntur homines nisi peculiari illa temperie, quæ cum actionum omnium &
motuum intrinsicum sit principium, partes singulas variis facultatibus instruit & exornat, Cor perenni dilatazione & compressione, sanguinem non in circulum exagitat: Ex cibis
chylum preparat in ventriculo, ex chylo sanguinem coquit in jecore & venis, ex sanguine cuiusque partis substantiam fouet, reparat, auget indefinente, sed indefinito motu.
Quod eleborum & cicuta nonnullis alimenta sint, aliis venena: quod viso lepusculo quidam exhorrescant, alij anguibz delectentur: quod non solum voce, scripturâ, pingendi ratio-
ne, sed etiam vultu singuli homines discrepent, huic vni acceptum, referendum est.

CORPORIS actiones promouere animi officium est: vt autem citò, tardè, expedite, ægè, parè, copiosè fiant, idiosyncrasiz. Impediri vel expediri ocyùs, segniùs coctiones, excretio-
nes, generationes pro varia externarum rerum conditione constat exemplo leguminum, quæ facilius fluuiatilibz aquis, quàm puteanis coquuntur: ab alimentis quoque eupeptis &
dyspeptis, euchymis & cacochymis velociore sunt coctiones, aut tardiores: nec aliunde morbi mitiores sunt Vere, quàm Autumnobreuiores. Æstate quàm Hyeme, nisi externi aëris
benignitate, eadem ratione cerealia, sataque omnia modò citius, modò tardius germinant, adoleſcunt, matureſcunt: sed mutationis cuiusque interior causa idiosyncrasia est, quâ ratione
fit, vt qui fluidiorem fortuantur aluum in adoleſcentia, pigriorem in senectute experiantur. Mulierum non paucis fluunt purgationes plenæ, plerisque silente Luna: hic tempus *ἐπὶ δὲ ν* ante-
uertitur, illic protrahitur. Nihil in homine constans & perpetuum. Vita in vtero quibusdam ante trigefimum, quibusdam post quadragesimum diem. Partus septimo, nono, decimo, vn-
decimo, nonnumquam octauo mense vitalis. Qui conformantur die trigefimo, non semper mouentur nonagesimo, aut nascuntur ducentesimo septuagesimo, nec intanturum actionum
terminis lex vlla definita.

COCTIONES & excretiones vt inter se diuersæ, sic diuersis temporibus obeuntur: & alia victus ratio hyeme quàm æstate instituitur, quod illis tempeſtatibus celeriores contingant, aut
tardiores coctiones. Non peræquè omnibus interdendum cæna, vel concedendum vesperi vberius alimentum. Deiectiones aliuinæ nec statæ, nec definitæ. Vinarum depositionem non
ita determinatam in Cynocephalo crediderim, vt diuidendis horis æquinoctialibus sufficeret. In morbis nec perpetuo statâ horâ accedunt paroxysmi, nec definitâ recedunt. Febres acutissi-
mæ non statim primo septenario ſauunt, aut post tertium mireſcunt. Fruſtra quoque earum solutionem certis quibusdam diebus expectes, cum varia sint *παρανομή* tempora, indeterminata
humorum secretio, excretio *ἀνέλεστος*. Religioſæ dierum in morbis obseruationes vt plerumque superſtitioſæ, sic sæpenumero noxiæ, & dum impari die Crifis expectatur, agendi occa-
ſio præterfluit.

CRISIS opus est naturæ bene agentis ab vili quod noxium est & ſecernentis & expellentis; hæc humorem morbi parentem, qualem, quâ parte, quo tempore excludi conuenit, & quan-
tum opus est, è corpore eliminat: rarior illa nostro quàm veterum æuo, non peioris ætatis aut ſenectutis mundi vitio, sed Medici peritiâ, aut imperitiâ. Qui imperitè venam ſecat, aut pur-
gat *ἀνέλεστος*, vel illa prætermitit quæ legitima fieri iubet indicatio, irritatis morbi cauſis & interrumpatis naturæ operibus, mortem, non Crifim acceſſit: at peritus artifex adhibitis initio
conuenientibus præſidiis, ita morbi vehementiam obtundit & frangit, vt ea paulatim elanguat, cauſis omnibus magnam partem exciſis, ac vitato discrimine & periculo quod ab exorta per
Crifis inter naturam & morbum pugnâ videtur impendere. Dum illa coquendis mouendisquæ feliciter humoribus incumbit, caue ne interpelles aut auertas, quoduis eo temporis articulo
exhibuit Pharmacum venenum est. Tum demum opitulandum puta, cum ſegniter in coquendo exercendoque humore operatur. Mutuis auxiliis ars & natura ad ægri ſalutem conſpiran-
tes, ſalutarem *εὐφορίαν* procurant.

IN prædicenda Crifi Medicus humana ſorte ſuperior creditur, in curandis grauiffimis aſſectibus *ισόθετος*. Nulla verborum vis in morbos, nulla ſeptenarij numeri ad Crifem. Naturæ officium
est post edomitum & ſegregatum ac ſepoſitum humorem, Crifem moliri, ſed variis & diebus & hebdomadis: vix tamen ante diem tertium, aut post vigefimum primum effatu digna Crifis
obſeruatur, ex naturæ vniuerſalis præſcripto, quæ ſeſe nonnullis legibus addixit. A tertio ad vigefimum primum ampla intercedit temporis latitudo, intra quam variis diebus ab vnaquaque
natura particulari præuidente Medico judicantur morbi, pro diuerſa ætate, temperie, ſexu, viuendi genere ſinguli peculiarem & ſibi familiarem excretionis modum aſſectantes, die non tan-
tùm entico dicto & impari, ſed pari & tyranno; hunc autem vel tempeſtas, vel rerum non naturalium vſus, vel impendentes caſus, vel ipſa morbi conditio ac natura retardant, aut accelerant;
vnde varium atque indefinitum redditur Crifeo tempus. Dum natura cum morbo (licet eodem ſpecie) congregitur, & humorem craſſiorem, aut tenuiorem: frigidiorem, aut calidiorem:
cauſticentem, aut torpentem: paucum, aut copioſum inuenit, fuerintque ſauentia, vel repugnantia *ἰσόθετος*, hæc vel illâ hebdomadâ: citius, ſerius: die pari, impari: mane, velperi:
noctu, interdiu: hæc vel illâ horâ conſtitum abſoluit.

Ergo idem ſpecie morbi eodem tempore non ſemper judicantur.

F.M.P.
922

Proponebat Lutetiæ IOANNES GARBE Laudunensis. A. R. S. H. M. DC. XLIV.

DOMINI DOCTORES DISPUTAVRI.

M. Quintinus Theuenin.
M. Carolus le Breton.
M. Claudius Perrault.

M. Tuffanus Fontaine.
M. Ioannes de Monſtrail.
M. Franciscus Pejoz.

M. Iacobus Theuart.
M. Urbanus Bodineau, Med. Reg. Præſes.
M. Philibertus Morisset.